



Ef meinið hefur náð að vaxa dýpra í húðina þarf að framkvæma víðtækari skurðaðgerð. Ef meinið nær til aðliggjandi eitla eða hefur dreift sér í önnur líffæri, getur þurft að fjarlægja aðliggjandi eitla eða beita frekari skurðaðgerð. Í slíkum tilvikum kann að reynast nauðsynlegt að veita einnig meðferð með lyfjum eða geislum.

#### **Horfur: Yfirleitt eru góðar vonir um lækningu**

Jafnvel þótt sortuæxlíð hafi vaxið dýpra í húðina er góð von um lækningu. Þannig eru horfurnar mjög góðar hjá þeim sem hafa sortuæxli sem er innan við einn millimetri að þykkt og nálgast mjög horfur þeirra sem eru með staðbundin mein. Hér þarf þó að taka meira af heilbrigðri húð kringum upphaflega blettinn. Eftir því sem meinin vaxa dýpra versna horfurnar.

Allir sem greinst hafa með sortuæxli þurfa að vera í reglulegu eftirliti. Slíkt eftirlit fer venjulega fram hjá húðlækní eða lýtalækní. Ef æxlin eru djúp er eftirlitið oftast sameiginlega í höndum þess læknis og krabbameinslæknis.

Ef sortuæxli ná að dreifa sér dreifast þau yfirleitt fyrst til aðliggjandi eitla og kann þá sjúklingur að verða var við fyrirferð á því svæði, ef eitillinn er örðinn stór. Til dæmis getur sortuæxli sem fjarlægt var af fæti náð að dreifa sér og gefa sig til kynna með þrota í eitli í nára. Þegar meinið greinist snemma tekst oft að fjarlægja sýkta eitla.

Í lok ársins 2008 voru á lífi um 640 einstaklingar sem höfðu greinst með sortuæxli.

#### **Forvnar: Forðist ljósabekki og óhófleg sólböð**

Vitað er að sólin getur valdið sortuæxum. Sólböð barna og unglunga virðast vera sérstaklega hættuleg. Ljósabekkir eru einnig mjög hættulegir. Enginn ætti því að fara í slík ljós, sérstaklega ekki börn og unglungar yngri en 18 ára. Þessar ráðleggingar eru einkum mikilvægar fyrir þá sem kunna að hafa aðra áhættubætti.

Ef farið er í sól, hér lendis eða erlendis, skal nota sterka sólarvörn, að minnsta kosti SPF 25 (Sun Protective Factor) sem ver bæði fyrir A- og B-geislum, en gæta þess samt að vera ekki lengi í sól í einu. Þegar sólin er hæst á lofti eru geislarnir sterkestir. Best er því að vera innandyra kringum hádegð. Einnig má klæða af sér sólina og nota höfuðföt.

Höfundar: Bárður Sigurgeirsson dr. med., húðlæknir og Jón Hjaltalín Ólafsson dr. med., húðlæknir.

Ítarefni: [krabb.is/sortuæxli](http://krabb.is/sortuæxli)

#### **Atriði sem geta bent til sortuæxlis:**

- **Ósamhverfa:** Sé blettinum skipt í tvennt, langsum eða þversum, eru helmingarnir ekki eins.
- **Óreglulegir kantar:** Ytri kantur sortuæxlis er oft ekki jafn heldur óreglulegur.
- **Litur:** Algengast er að fæðingarblettir séu einlitir og þá oftast ljósbrúnir en sortuæxli geta verið af hvaða lit sem er og oft marglit.
- **Breyting:** Blettir sem eru að stækka og/eða litur að breytast.
- **Þvermál:** Mörg sortuæxli eru stærri en 6 millimetrar. Þessi regla er þó alls ekki óyggjandi.

Sé eitt eða fleiri þessara atriða til staðar getur það bent til sortuæxlis og er þá rétt að leita læknis.



Ósamhverfa



Óreglulegir kantar/brúnir



Breytileiki í lit



Breyting á bletti

Útgefandi: Krabbameinsfélag Reykjavíkur fyrir hand krabbameinssamtakana / Hönnun: ENNEMM NM36079 / Ljósmynd: Omar Óskarsson / Prentun: Svansprent, 2014

# Sortuæxli í húð

Forðast þarf notkun ljósabekkja  
og gæta varúðar við sólböð



Krabbameinsfélagið

Skógarhlíð 8, 105 Reykjavík

540 1900

krabb.is

krabb.is

Sortuæxli eru ein af mörgum tegundum húðkrabbameina. Auðvelt er að lækna slík mein greinist þau snemma, en þau geta verið banvæn greinist þau seint og hafa náð að dreifa sér.

Sortuæxli myndast frá litarfrumum húðarinnar. Eðlilegar litarfrumur sitja í ystu lögum húðarinnar og framleiða dökkt litarefni sem nefnist melanin, en það gefur húðinni brúnun lit. Litarfrumurnar örvaðast af sólarljósi og framleiða þá meira litarefni (melanin) og húðin dökknar. Of mikil örvin virðist einnig geta leitt til þess að líkaminn missi stjórn á vexti litarfrumanna og að krabbamein myndist.

### Tíðni: Tvöföldun á einum áratug

Hér á landi hefur sortuæxum fjölgæð mikið undanfarið. Tíðnin hefur tvöfaldast á einum áratug. Þau eru algengari meðal kvenna en karla, gagnstætt því sem má finna í mörgum nágrannalöndum okkar. Fjölgun tilfella er mest áberandi hjá ungum konum og er nú svo komið að sortuæxli eru algengasta krabbameinið hjá þeim.

Samkvæmt upplýsingum frá Krabbameinsskrá Krabbameinsfélagsins greinast að meðaltali 46 manns á ári með sortuæxli í húð og 90 með önnur illkynja húðæxli. Auk þess greinast um 320 manns með svonefnd grunnfrumuæxli í húð (miðað við 2008-2012). Níu Íslendingar deyja að meðaltali á ári af völdum sortuæxla.

### Orsakir: Beint samband við útfjólubláa geislun


Fjöldi rannsókna hefur sýnt að samband er á milli sortuæxla og útfjólublárra geisla, hvort sem þeir koma frá sólinni eða ljósabekkjum. Sérstaklega er slæmt ef húðin brennur í sólinni í bernsku eða fyrir 18 ára aldur. Í ljós hefur komið að aukning á nýgengi sortuæxla, sem sést hefur undanfarna áratugi, er að mestu bundin við hvíta kynstofninn.

Allir geta fengið sortuæxli en þeir sem eru með ljósa húð og þeir sem þola sólinna illa eru í meiri hættu en aðrir. Talið var að sólbruni væri aðallega hættulegur fyrir börn og unglunga en nýlega hefur komið í ljós að hann er einnig hættulegur fyrir þá sem eldri eru. Alvarlegustu skemmdirnar í húðinni koma þó fram hjá börnum og unglungum og þá sérstaklega ef þau sólbrenna oftar en tvívar eða þrisvar fyrir fullorðinsaldur.

Þeir sem hafa mikið af fæðingarblettum eru líklegri til að mynda sortuæxli. Sumir hafa einnig svonefndu óreglulega fæðingarbletti og fylgir þeim meiri áhætta á myndun sortuæxla. Slíkir einstaklingar þurfa að vera í reglulegu eftirliti hjá lækni.

### Sortuæxli í húð

Árleg aldursstöðluð tíðni af 100.000 (miðað við alþjóðlegan staðal). Upplýsingar frá Krabbameinsskránni.



Eftirtaldir þættir geta aukið líkur á myndun sortuæxla: Ljós húð, freknur, húð sem brennur auðveldlega, sólbruni í ljósabekkjum, margir fæðingarblettir, óreglulegir fæðingarblettir og ef náinn ættingi hefur greinst með sortuæxli. Allir sem hafa einn eða fleiri áhættuþætti ættu að láta lækni skoða sig.

### Einkenni: Geta myndast hvor sem er á húðinni

Í byrjun eru sortuæxli oftast bundin við efstu lög húðarinnar og er þá lækning oftast auðveld. Ef æxlin hafa fengið tíma til að vaxa niður í dýpri lög húðarinnar er meðferð erfidið. Með tímanum vaxa þau dýpra og að lokum inn í æðar og dreifa sér um líkamann. Þegar svo er komið er sjúkdómurinn erfidið viðureignar. Markmiðið er því að greina sortuæxli snemma, þegar þau eru eingöngu bundin við efstu lög húðarinnar.

Sortuæxli geta myndast hvor sem er á húðinni, jafnvel á stöðum sem sól hefur aldrei skinið á. Hér á landi eru þau algengust á fótleggjum og bol kvenna og á bol karlmanna. Sortuæxli eru oftast brún, svört eða mislit. Aðrir litir sjást einnig, svo sem rauður og blágrár. Sortuæxli myndast oft í fæðingarblettum þannig að bletturinn tekur óvæntum breytingum eða kláði tekur sig jafnvel upp. Þau geta einnig myndast í húð þar sem enginn fæðingarblettur er fyrir. Eftir að æxlin hafa myndast halda þau áfram að vaxa og stækka. Því ætti að vakna grunur um að ekki sé allt með felldu þegar blettir eru að breyta sér eða vaxa.

### Greining: Nauðsynlegt að skoða óeðlilega bletti

Besta ráðið er að greina meinin snemma. Læknisskoðun hjá sérfræðingi getur skorið úr um hvort líkur séu á að meinið sé sortuæxli. Stundum notar læknirinn sérstaka smásjá, en ef ekki er með öllu hægt að útiloka að um sortuæxli sé að ræða þarf að fjarlægja blettinn. Aðgerðin er einföld og er gerð í staðdeyfingu. Bletturinn er síðan rannsakaður af sérfræðingi í meinafræði.

Grynnstu æxlin eru eingöngu bundin við efsta lag húðarinnar og eru nefnd forstigssortuæxli (melanoma in situ).

### Meðferð: Skurðaðgerð oft nægjanleg

Ef grunur vaknar að um sortuæxli geti verið að ræða þarf að fjarlægja meinið með skurðaðgerð. Í flestum tilvikum er um að ræða einfalda skurðaðgerð sem er framkvæmd í staðdeyfingu á stofu eða göngudeild sjúkrahúss. Ef vefja-greining leiðir í ljós sortuæxli þarf oftast að framkvæma útvíkkaða skurðaðgerð. Hversu mikið er fjarlægt fer eftir því hve djúpt upphaflega meinið var.

Ef sortuæxlið hefur ekki náð að vaxa í dýpri lög húðarinnar eru afar litlar líkur á að meinið hafi náð að dreifa sér í önnur líffæri. Ef um forstigssortuæxli er að ræða leiðir skurðaðgerð nánast alltaf til fullkomins bata. Í slíkum tilvikum er oftast ekki þörf á frekari meðferð eða rannsóknum. Hins vegar er nauðsynlegt fyrir þá sem eru með staðbundin sortuæxli að fara í reglulegt eftirlit til sérfræðings, þar sem aukin hætta er á myndun nýrra meina í húðinni. Sama gildir fyrir þá sem eru með dýpri mein, en þá getur verið nauðsynlegt að fylgjast einnig með innri líffærum auk húðarinnar. Slíkt mat er framkvæmt með blóðrannsóknum og myndgreiningu.

